

GJENDJA ME GRIPIN NË REPUBLIKËN E MAQEDONISË SË VERIUT, SEZONI 2025/2026

(java e pestë, deri më 01.02.2026)


TË DHËNA JAVORE

Gjatë javës së pestë të vitit 2026 (nga 26.01-01.02.2026) në Republikën e Maqedonisë së Veriut janë raportuar 1.498 ($I=81,6/100.000$) raste të të prekurve nga gripi/sëmundjet e ngjashme me gripin, për 12,3% më pak se javën që shkoi (1.708).

Në javën e pestë të vitit të kaluar janë regjistruar 3.036 të sëmurë (rënie për 50,7%), ndërsa krahasuar me modelin për 15 sezonet e fundit (2.656) është regjistruar një rënie prej 43,6%.

Incidenca e aktivitetit sezonal të virusit të gripit ($I=22,03/100.000$) gjatë javës së pestë është mbi kufirin javor për aktivitet mesatar $I=90,84/100.000$.

Grafiku 1. Intensiteti dhe shpërndarja javore e të sëmurëve nga gripi/sëmundje të ngjashme me gripin sipas lakores epidemiologjike 2010-2025, sezoni 2024/2025 dhe sezoni 2025/2026




Sa i përket grupmoshës, tek grupmosha nga 15-64 vjet janë regjistruar 866 të sëmurë, ndërsa tek grupmosha mbi 65 vjet – 224, tek grupmosha 5-14 vjet - 247 dhe tek grupmosha 0-4 vjet – 161 të sëmurë.

Personat e sëmurë të kësaj jave janë regjistruar në 28 QSHP/NJR, pra në Shkup – 473, Prilep – 146, Strumicë - 139, Ohër – 99, Manastir - 77, Shtip – 70, Tetovë – 63, Gjevgjeli – 61, Kumanovë – 59, Dibër – 43, Veles – 36, ndërsa në qytetet e tjera numri i të sëmurëve është nën 30. Në Berovë, Dellçevë dhe Kriva Pallankë nuk janë raportuar raste të të sëmurëve nga gripi.

Në 3 QSHP/NJR është regjistruar aktivitet shumë i lartë i virusit të gripit, në 8 aktivitet i lartë, në 9 aktivitet mesatar, në 14 njësi aktivitet sezonal, ndërsa në 3 është regjistruar aktivitet shumë i ulët i virusit të gripit.

Hartogrami 1. Niveli i aktivitetit të gripit dhe incidenca në 100.000 banorë, java pestë, 2026



Gjatë javës së pestë të raportimit të vitit 2026 është raportuar një rast i vdekjes si pasojë e gripit. Bëhet fjalë për një mashkull 62 vjeçar nga Tetova, që ka qenë i shtruar në refarin e sëmundjeve infektive në Spitalin Klinik në Tetovë. Tek i ndjeri janë konstatuar komorbiditete, ndëkohë që nuk ka qenë i vaksinuar kundër gripit sezonal. tek ai është konfirmuar Influenza A(H3).

Mbikëqyrja virologjike

Gjatë javës së pestë të raportimit pranë pranë laboratorit të virologjisë të ISHPRMV-së kanë arritur 48 materiale për analiza laboratorike për gripin, paralelisht të analizuar për Influenza, SARS-CoV-2 dhe/ose RSV.

Nga materialet e testuara 7 kanë rezultuar pozitiv për prani të virusit të gripit - 2 Influenza A(H3), 5 Influenza A(H1)pdm09, si dhe 1 rast Influenza A e pasubtipizuar.

Është regjistruar 1 rast pozitiv me SARS-CoV-2.

Janë regjistruar edhe 8 raste pozitive me RSV.

Në kuadër të sezonit aktual të infeksioneve respiratore akute Njësia e virologjisë pranë ISHP-së bëri sekuencionim të 33 mostrave për të vërtetuar viruset qarkulluese dhe karakteristikat e tyre gjenetike. Sekuencionimi u krye tek:

- 3 mostra SARS-CoV-2 nga fillimi i sezonit (Shtator-Tetor 2025), tek të cilat u detektuan linjat gjenetike: XFG.23.1.2, XFG.3.1 dhe PF.1
- 1 mostër RSV-A : A.D.3.11
- 7 mostra RSV-B: të gjitha i përkasin linjës B.D.E.1
- 5 mostra Influenza A(H1N1)pdm – tek të gjitha është detektuar lloji HA D.3.1.1 (5a.2a.1)

- 17 mostra Influenza A(H3N2)– tek të gjitha është detektuar lloji HA K (J.2.4.1 / 2a.3a.1)

Dominimi i Influenza A(H3N2) viruseve të llojit K në mbarë botën paraqet një ndryshim evolutiv tek H3N2 viruset që tregojnë për një përshtatje evolutive (fitness advantage) që mundëson qarkullim dominant në sezonin aktual, pa indikacione për një pasqyrë më të rënduar klinike fakti që lloji K është detektuar në mostra nga më shumë qytete të Maqedonisë tregojnë për një qarkullim aktiv dhe të përhapur gjerësisht, relevante për mbikëqyrjen epidemiologjike kombëtare.

MBIKËQYRJA EPIDEMIOLOGJIKE - TË DHËNA KUMULATIVE


Gjatë sezonit 2025/2026 numri i përgjithshëm i të prekurve nga gripi/sëmundje të ngjashme me gripin është **11.415 (I=621,5/100.000)**.

Krahasuar me periudhën e njëjtë të sezonit të kaluar (n= 8.734) numri i rasteve të raportuara është rritur për 30,7%, ndërsa krahasuar me modelin për 15 vitet e fundit (n= 12.278) është regjistruar një rritje prej 7,0%.

Të sëmurë janë regjistruar në të gjitha QShP/NjR. Numri më i madh i të sëmurëve (n=3.135) është regjistruar në Shkup, ndërsa incidencë më e lartë kumulative (I=1.933,9/100.000) në Dibër (n=370).

Sa i përket shpërndarjes të të sëmurëve sipas grupmoshës, numri më i madh i të sëmurëve bëjnë pjesë në grupmoshën që përfshin numrin më të madh të popullatës (nga 15-64 vjet) – 6.707 raste (68,8%), ndërsa incidencë më e lartë (921,7/100.000) është regjistruar tek grupmosha 0-4 vjet dhe tek grupmosha nga 5-14 vjet (921,7/100.000).

Grafiku 2. Shpërndarja e rasteve me grip sezonal sipas QSH/MJR dhe incidenca në 100.000 banorë, sezoni 2025/2026



Shpërndarja e rasteve sipas muajve:

- tetor – 338 raste ose 3,0%
- nëntor – 438 raste ose 3,8%
- dhjetor – 1.324 raste ose 11,6%
- janar – 9.135 raste ose 81,6%

Deri më tani janë regjistruar 4 raste të vdekjes si pasojë e gripit.

MBIKËQYRJA VIROLOGJIKE – TË DHËNA KUMULATIVE

Deri më tani në sezonin 2025/26, pranë laboratorit të virologjisë në Institutin e Shëndetit Publik të RMV-së kanë arritur 729 materiale nga mbikëqyrja rutinore dhe SARI për analiza laboratorike për gripin, paralelisht të analizuara për Influenza, SARS-CoV-2 dhe/ose RSV.


Janë zbuluar 106 raste pozitive të gripit:

- **Influenza A – 106**
 - Influenza A(H1)pdm09 – 31 (29,2%)
 - Influenza A(H3) – 62 (58,5%)
 - Influenza A – e pasubtipizuar – 13 (12,3%)
- **Influenza B – 0**

Janë regjistruar 7 rezultate pozitive për SARS-CoV-2 dhe 39 pozitive për RSV.

Janë detektuar edhe 5 viruse të tjerë respiratorë tek mostrat e testuara.

Grafiku 2. Shpërndarja javore e numrit dhe përqindjes të mostrave pozitive të gripit, mbikëqyrja rutinore dhe sentinel, RMV, 2025/2026



KOMENT EPIDEMIOLOGJIK

Vazhdon rënia e numrit dhe incidencës të sëmundjeve të ngjashme me gripin në nivel javor, numri i rasteve të raportuara . Gjatë javës së pestë është regjistruar aktivitet mesatar i virusit të gripit në vendin tonë. Rezultatet e fituara nga mbikëqyrja virologjike tregojnë se ka një përhapje rajonale të virusit të gripit. Përqindja e rasteve pozitive për katër javë me radhë është mbi 10%.

Sipas të dhënave të pranuar në Maqedoni ka një intensitet të lartë të virusit të gripit.

MASA TË PËRGJITHSHME PËR PARANDALIM

*Burimi: <https://sezonskigrip.mk/>

Masat e përgjithshme për mbrojtje nga gripi kanë për qëllim parandalimin e të gjitha sëmundjeve akute të frymëmarrjes dhe mund të jenë shumë të dobishme, veçanërisht nëse zbatohen gjatë gjithë periudhës së dimrit:

- Evitoni grumbullimin dhe qëndrimin në dhoma ku qëndrojnë më shumë njerëz, sidomos kontaktin e ngushtë me njerëz që janë të sëmurë ose që kolliten, teshtijnë, kanë temperaturë të lartë të trupit.
- Lani duart shpesh me sapun dhe ujë ose me dezinfektues.
- Ngrohni dhomat në të cilat qëndroni dhe ajrosini ato shpesh.
- Këshillohet të vishni rroba të ngrohta, në disa shtresa, të bëni banjo të ngrohta.
- Pini pije të nxehta (çajra dhe supa), lëngje frutash, ujë me limon.
- Hani produkte të freskëta të pasura me vitamina dhe minerale, më së miri fruta dhe perime që janë më të mira e të nevojshme për trupin. Produktet e pasura me vitaminë C (limona, portokalle) janë veçanërisht të dobishme. Nëse produktet ushqimore të freskëta nuk janë gjithmonë të disponueshme, mund të përdoren edhe pije dhe preparate multivitaminike.
- Praktikoni një stil jetese dhe zakone të shëndetshme, duke përfshirë këtu gjumin dhe pushimin e mirë, të ushqyerit e shëndetshëm, ruajtjen e aktivitetit fizik dhe mendor dhe uljen e stresit.

Sistemi i fortë imunologjik do t'ju ndihmojë të qëndroni të shëndetshëm ose ta përballoni më lehtë gripin dhe sëmundjet e ngjashme me gripin. Megjithatë, edhe nëse jeni plotësisht të shëndetshëm dhe keni një sistem imunologjik të fortë, prapëseprapë mund të sëmureni me grip ose një sëmundje të ngjashme me gripin.

Çfarë duhet të bëni nëse sëmureni nga gripi?

Ndiqui këto rekomandime:

- Qëndroni në shtëpi dhe mos shkoni në punë, shkollë ose në vende ku ka shumë njerëz.
- Pushoni dhe konsumoni shumë lëngje dhe ushqime të lehta.
- Shmangni kontaktin e ngushtë me njerëzit me të cilët jetoni, mos pranoni vizitorë ndërsa jeni të sëmurë.
- Mbuloni hundën dhe gojën me një pecetë kur kolliteni dhe teshtini. Pas përdorimit, hidhini ato në plehra.
- Mbani maskë mbrojtëse kur kontaktoni me të afërmit tuaj në shtëpi, kur kolliteni dhe teshtini.
- Praktikoni larjen e shpeshtë dhe të plotë të duarve me ujë të ngrohtë dhe sapun.
- Përdorni peceta të lagta që përmbajnë alkool ose dezinfektues për pastrimin e duarve.
- Shmangni preken e syve, hundës dhe gojës me duar.
- Ajrosni shpesh dhomën ku qëndroni gjatë kohës që jeni të sëmurë.

- Mbajeni mjedisin tuaj të pastër - objekte, sipërfaqe, me produkte higjienike shtëpiake.
- Nëse jeni mbi 65 vjet ose keni sëmundje kronike, ose nëse simptomat e sëmundjes përkeqësohen ose zgjasin për disa ditë - kërkon ndihmë mjekësore.

VAKSINIMI KUNDËR GRIPIT SEZONAL

Vaksinimi kundër gripit është mbrojtja më e mirë nga kjo sëmundje, prandaj Instituti i shëndetit publik e rekomandon atë për të gjithë popullatën, sidomos për personat që përkasin në grupet vullnerable (sipas rekomandimeve të OBSH-së):

- Personat e moshuar (mbi 65 vjet)
- Fëmijët në moshë nga 6 deri në 59 muaj
- Personat mbi 6 muaj e me sëmundje kronike
- Gratë shtatzëna dhe
- Punonjësit shëndetësorë.

- ❖ Për sezonin 2025/2026, Ministria e shëndetësisë siguroi 80.000 doza të vaksinë katërvalente falas për grupet prioritete të popullatës.

Vaksinimi kundër gripit për sezonin 2024/2025 filloi në 16.10.2024 dhe zbatohet në Shtëpitë e shëndetit dhe/ose Qendrat e shëndetit publik me Njësitë e tyre rajonale. Vaksinimi i punonjësve shëndetësorë do të bëhet në Institutin e Shëndetit Publik. Caktimi i termineve për vaksinat falas bëhet nëpërmjet uebfaqes www.vakcinacija.mk.

Sipas të dhënave të Drejtorisë për Shëndetësi Elektronike, nga fillimi i vaksinimit e deri në përmbylljen e këtij raporti **gjithsej janë vaksinuar 79.105 persona të kategorive të cënueshme të popullatës me vakcina falas.**

- ❖ 2.400 vakcina komerciale shtesë janë siguruar nga ana e Qendrave të shëndetit publik si vakcina për pjesën tjetër të popullatës dhe ato mund të merren për një kompensim financiar të caktuar në Qendrat e Shëndetit Publik dhe Njësitë e tyre rajonale.

Sipas të dhënave të Drejtorisë për Shëndetësi Elektronike **me vakcina komerciale janë vaksinuar gjithsej 1.836 persona.**

Në Maqedoninë e Veriut janë vaksinuar gjithsej 79.105 persona me vakcina falas dhe vakcina komerciale.

RAJONI EVROPIAN

*Burimi: <https://erviss.org/>

Sipas Raportit të ERVISS të publikuar në javën e katërt të vitit 2026:

- Shkalla e morbiditetit të gripit (ILI) dhe /ose infeksioneve respiratore akute (ARI) është rritur mbi nivelet bazë në 28 nga 35 vendet rajonit evropian të OBSH-së që raportojnë.
- Pas disa javësh në rënie përqindja e rasteve pozitive në mbikëqyrjen sentinel në mbrojtjen shëndetësore primare në shumë vende ka shënuar rritje, sidomos tek fëmijët në moshë nga 5-14 vjet. Indikatorët e mbikëqyrjes të gripit në spitale vazhduan të bien, me ç'rast përqindjen më të lartë e përbëjnë personat mbi 65 vjet. Numri i të prekurve me A(H3) po bie ngadalë, por ky lloj vazhdon të jetë dominant.

- Indikatorët rajonalë të aktivitetit të SARS-CoV-2 kanë vazhduar të rriten në sistemet për mbikëqyrje në mbrojtjen shëndetësore primare dhe spitale. Ngarkesa dhe përqindja e rasteve pozitive mbetet më e lartë tek fëmijët nën 5 vjet.

***Departamenti i epidemiologjisë të sëmundjeve ngjitëse
Instituti i Shëndetit Publik***